

112 年青埔國中本土語文競賽客家語朗讀文章（海陸腔）

【線上學習】李秉璋原作

神奇、神奇盡神奇，上課毋使趕，交通毋會塞，想愛學麼个斯學麼个。先生任恁擇，時間任恁選，三更半夜也做得，先生講到生趣又清楚。佢做得係學生仔个先生，也做得做先生个先生，總講佢桃李滿天下，毋使準備拜師禮，毋使繳學費，你想愛學，佢斯會教。

不管你係巧神¹抑係慧當²，佢全都收。佢無擇學生仔、無擇時間、無擇地方，單單擇你，擇你想愛學个心。這條學習个革命，這條時代个轉變。來著急、來著遠，跔得著大進步，斯像臉身脣有仙人指點，武功大進。

馬桶毋曉修理有人教，鏈鋸毋曉發，一步一步來，秘訣³教你知。網路線个接頭線路毋曉排，有人教你色目愛分明，五彩六色照順序，工具又特別，頭尾一下摺佢夾落去，接頭插好網路就通。

雖然講一隻銀角仔毋會響，毋過先生大部分都係自家在該做

戲，講到口水波潑、精神飽滿、歡頭笑面，斯像毋會恹合有耐心！一遍教毋會會，過教一遍，你想愛學幾多回斯學幾多回，學到你自家毋愛學。

千里緣分一線牽，天下全在恁彈指之間。現代生活當舒適，冷氣吹，彈指間，毋使出門、毋使尖車，想愛仰般學斯仰般學。就算係疫情時節，學校个線上教學，有一息無恁自由，毋過也有人非常認真，一片聽課，一片查資料，正經係講一知三，師傳渡入門，修行在個人。上課講義自家留，毋使抄，三隻快速鍵一撇，滑鼠一箍，講義黏時留下來。

當日上課紀錄先生有錄製，驚你單單係「用手機上課定」，人毋知走哪位去。所以先生上課會問問題，一半問，一半係在該點名，看你心思有在這無？認真上課个，回答無問題，又講頭斯知尾，無用心个也無問題，平平無問題，這個係毋知半項，所以無問題。連先生喊佢回答，佢也像在人間消失，無鏡頭、也無回答聲，訊息欄裡肚也無留字，所以佢正經係「用手機上課定」。

線上學習，成就隨在人，逐脩有選擇个自由，斯愛對自家个人生負責定。對自家未來正經个慷慨，就係摺一切都貢獻分現時。今日个恁，成就詔早个恁。

1 巧神：音 kiau' shin；聰慧，屬具特殊能力的聰明。

2 慧當：音 ngong' dong'；呆愚、傻呼呼。

3. 秘訣：音 bi' gied；訣竅，指事物的要領、竅門。